



Publicaziuns dalla vischnaunca, jamna 07

Damondas da baghegiar

2022-1052.001

Datum dalla publicaziun: 17 da fevrer 2023

Il patrun: Bruno e Karin Schmed-Geissbühler, Speerstrasse 8, 8630 Rüti
Il representant: Studio UH Architects ETH SIA, Via Sursilvana 18, 7180 Disentis/Mustér
Intenziun: **Adattaziun dil project:** construcziun nova da duas casas da piras famiglias cun garascha sutterrana e furar sondas geotermicas
Edifeci nr. 717C, 717D, 717E
Parcella: 1713
Adressa: Via Alpettas 12/14, 7180 Disentis/Mustér
Zona: Zona dil vitg engrondida (VE)
Zona da prighel: Negina

2023-1017.000

Datum dalla publicaziun: 17 da fevrer 2023

Il patrun: Sennaria Surselva SA, Via Lucmagn 33, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Niev access pil traffic grev
Parcella: 2883/3857
Adressa: Via Lucmagn 33, 7180 Disentis/Mustér
Zona: – Zona agricola
– Zona per il sport d'unviern
– Zona da mistregn agricol
Zona da prighel: Negina

2023-1020.000

Datum dalla publicaziun: 17 da fevrer 2023

Il patrun: Marcel Moser, Via Scantschala 1, 7183 Mumpé Medel
Il representant: Marcel Moser, Via Scantschala 1, 7183 Mumpé Medel
Intenziun: Construcziun d'in mir da sustegn pil parcadi
Edifeci nr. 465D
Parcella: 1090
Adressa: Via Scantschala 1, 7183 Mumpé Medel
Zona: Zona da habitar 2 (H2)
Zona da prighel: Negina
Plan da quartier: Plan da quartier Scantaschalias

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 da fevrer 2023

Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1007.000

Sunrise Communications AG, Thurgauerstrasse 101B, 8152 Glattpark (Opfikon); adattaziuns dall'antenna pigl indrez da telefonia mobila per las tecnologias 3G, 4G sco era 5G, Sunrise GR584-1, parcella 2878, Via Lucmagn, Salaplauna, 7180 Disentis/Mustér.

Nr. 2021-1076.000

Swisscom (Schweiz) AG, Ringstrasse 32, 7001 Cuera; sanaziun digl indrez da telefonia mobila per la Swisscom (Schweiz)AG, installaziun da novas antennas per las tecnologias 3G, 4G sco era 5G, parcella 2915, Runfoppa Sut, 7180 Disentis/Mustér.

Nr. 2023-1000.000

Gabriella Lozza, Gassa da Cuoz 7, 7186 Segnas; construcziun d'ina preit da veider mobila ella loggia, parcella 1220, Gassa da Cuoz 7, 7186 Segnas.

Disentis/Mustér, ils 17 da fevrer 2023

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2023-2007.000

Flepp SA, Via Sorts 4, 7180 Disentis/Mustér; lavurs da manteniment vid igl edifices nr. 236, parcella 1405, Via Sorts 4, 7180 Disentis/Mustér.

Nr. 2023-2008.000

Bruno e Rita Giuliani-Schneider, Rosenauweg 12, 5430 Wettingen; sanaziun dil tetg e remplazzament dalla porta-garascha, parcella 1030, Via Sorts 7, 7180 Disentis/Mustér.

Disentis/Mustér, ils 17 da fevrer 2023

Uffeci da baghegiar Disentis/Mustér



Vias d'uaul e vias da cultivaziun

Informaziun ed annunziass

Igl 1. da fevrer 2023 ei la lescha pil manteniment ed il diever dallas ovrass da meglieraziun e d'uaul entrada en vigur legala. Art. 13 dalla lescha definescha il dretg da carrar sin las vias da cultivaziun ed uaul sco suonda:

- a) Tuts viadis da survetsch dalla polizia, dil survetsch forestal, per diever agricol (maschinas agricolas senz'autos cun numera verda), dalla polizia da catscha e pesca, dalla sanitad, dils pumpiers, dils guardians d'ieli e da chemia, viadis per ademplir activitads officialas u legalas sco era viadis en survetsch dalla vischnaunca, dil Cantun e dalla Confederaziun;
- b) viadis cun maschinas agricolas e mieds da transport forestals da tut gener cugl intent da cultivar alps, pastiras e praus (agricultura) ed ils uauls (forestal), sche quels viadis stattan en connex cun la cultivaziun;
- c) viadis en connex cul transport da selvaschinas da grefla sittadas;
- d) pil transport da lenna duront in temps limitau, fixaus en cunvegnientscha cul selvicultur communal. Art. 14 dalla lescha communal regla las excepziuns pusseivlas per lubientschas da carrar per vehichels entochen 3.5 t.

1. Lubientschas en general

¹Las lubientschas da carrar vegnan per regla concedidas mintgamai pil temps naven digl 1. d'avrel entochen ils 15 da december. Aschinavon ch'ei croda neiv ordeifer quei temps ni en cass dad auters eveniments dalla natira, exista negin dretg da far valer la rumida dalla via.

2. Lubientschas annualas

¹L'administraziun communal conceda sin damonda lubientschas annualas da carrar per suandont diever:

- a) per vehichels da proprietaris da schischom e beins immobiliars sco era affittaders da tals, vegn concediu maximalmein duas lubientschas annualas pil sector pertuccau;
- b) per vehichels – da beins agricols ch'ei registrai cun ina numera da menaschi el register agricol official – vegn concediu duas lubientschas per tuts secturs che vegnan cultivai entras quei menaschi;
- c) per vehichels da personas che segidan cun cultivaders da beins agricols registrai cun numera da menaschi el register agricol official en connex cun la cultivaziun dil terren. Per menaschi vegn concediu maximalmein ina ulteriura lubientscha da gidonter analog alineas b. La damonda sto vegnir inoltrada entras il menaschi puril;
- d) per scadina lubientscha eis ei da pagar la taxa indicada en questa lescha. Per lubientscha sa vegnir registrau duas numeras da vehichel. Las lubientschas ein buca transmissiblas.

3. Lubientschas dil di e dall'jamna

¹L'administraziun communal conceda sin damonda lubientschas da carrar dil di e dall'jamna per suandont diever:

- a) access per intents defini sco visetas a pasturs, visetas da camonas, per la raccolta e diever da tegias per intent da vacanzas;
- b) vehichels per guids da muntogna;
- c) vehichels per personas cun impediments corporals;
- d) vehichels per la construcziun da baghetgs e stabiliments;
- e) viadis cun vehichels dil cultivader, aschinavon ch'els vegnan utilisai per intents agricols;
- f) viadis cun caschun dad occurrenz.

²La lubientscha dil di vala mo pil datum ed il sector indicau e per ir e turnar. La lubientscha jamnila vala per l'jamna ed il sector indicau.

Las lubientschas dil di e dall'jamna san vegnir retratgas sin via electronica. Per quei intent ei la vischnaunca vidlunder d'activar sigl 1. d'avrel 2023 ensemen cun l'interpresa „Digitalparking» ina App che facilitescha la retratga dallas lubientschas da carrar.



Sefundond sin las prescripziuns digl art. 14 cefra 2 dalla lescha communal vegnan proprietaris da terren e da schischom, affittaders da tal e cultivaders da beins agricols che giavischan ina lubientscha annuala envidai d'inoltrar la damonda per retrer las lubientschas annualas da carrar all'administraziun communal. Per quei intent ei vegniu creau in formular cun las indicaziuns necessarias per retrer ina lubientscha annuala da carrar. Personas ufficialas ein medemamein envidadas d'inoltrar ina damonda da carrar. Las lubientschas succedan sin via digitala tenor las indicaziuns sil formular d'annunzia. Leu nua che las indicaziuns mauncan, sa buca vegnir concediu ina lubientscha. Il formular d'annunzia anfleis Vus sin la pagina d'internet www.disentis.ch/vischnaunca/administraziun/partiziuns/administraziun/Lubientscha da carrar. Il formular sa era vegnir retratgs dall'administraziun communal.

Disentis/Mustér, ils 17 da fevrer 2023

Suprastonza communal Disentis/Mustér

Controlla da habitonts

Mortoris

Franzisca Monn-Maissen, naschida ils 31 d'uost 1927, morta ils 7 da fevrer 2023

Alice Maissen-Jacomet, naschida ils 30 d'uost 1945, morta ils 8 da fevrer 2023

Rudolfin Lechmann-Senn, naschius ils 4 da matg 1927, morts ils 9 da fevrer 2023

Moritz Arpagaus, naschius ils 9 da settember 1927, morts ils 9 da fevrer 2023

Nossa scola populara Mustér

Sis dallas portas aviartas 2023

Geniturs ed autras personas interessadas han la pusseivladad da visitar lur affons durant l'instrucziun e quei sco suonda:

mesjamna, ils 22 da mars 2023 (07.45-11.10 (12.00))

gievgia, ils 23 da mars 2023 (07.45-16.15)

venderdis, ils 24 da mars 2023 (07.45-16.15)

Per evitar malruaus giavischein nus da visitar l'entira lecziun. Ils affons e las personas d'instrucziun selegnan da Vossa viseta! Ils uraris da tuttas classas anfleis Vus sin nossa pagina d'internet www.nossascola.org

Sin bien seveser e cordials salids!

Nossa scola populara Mustér

Apparat d'udida

Gliendisdis, ils 20 da fevrer 2023 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents. Ei drova negina annunzia.



Corporaziun d'alp Russein Mustér

Radunonza generala dils possessurs da dretgs venderdis, ils 24 da fevrer allas 20.15 el Center sursilvan d'agricultura a Salaplauna.

Supplementar allas tractandas statuaricas:

Project sanaziun infrastruttura en connex cun il schurmetg dallas auas. Presentaziun, damonda da credit ed elecziun cumissiun da baghegiar.

A stedia partizipaziun envida

la suprastonza

Uniun da dunnas Disentis/Mustér

Sentupada cun affons pigns e geniturs

La grappa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la grappa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada	mardis, ils 21-2-2023
Temps	15.00–16.30
Liug	Casa da scola Segnas, local artgin, ella 1 alzada
Prender cun	marenda e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Scursalada pils affons pigns cun viseta dil snowli

La grappa dil ressort affons envida tut ils affons entochen quater onns ensemen cun lur mummas ni era babs e fargliuns ad ina scursalada communabla sil Sax. Silsunter vegn ei offeriu in pign sitg. Prendi vossa scarsola ni vies bob sut bratsch e cun empau cletg survegn era vies affon regalau ina pintga sorpresa dil snowli.

Datum	Gievgia, ils 23 da fevrer 2023
Sentupada	allas 14.00 sil Sax tier il Tipi
Cuosts	L'occurrenza cuosta
Annunzia	P. pl. s'annunziar entochen ils 20-2-2023 tier Sarah Huonder, 079 265 42 92 Sonja Muscas, 079 681 58 66
